

易
林

冊三



易林卷第九

三三二乾上艮下遯

三塗五岳陽城太室神明所保獨無兵革

三塗山名在河南伊闕縣五岳泰山爲東岳衡山爲南岳嵩山爲中岳華山爲西岳恆山爲北岳陽城山谷名在嵩山下太室山名

之乾

軟弱無輔不能自理意在外野心懷勞苦雖憂無始

無註

坤

周成之隆刑措無凶太宰讚右君子作仁

史記周成康之際天下太平刑措四十餘年不用太宰周公也

屯

穴有孤鳥坎生蝦蟇象出萬里不可得捕

無註

蒙

俱爲天民雲過吾西伯氏嫉妬與我無恩

無註

易

林卷九

一中華書局聚

需

三首六目政多煩惑臯陶瘖聾亂不可從
未詳

訟

德積不輕辭王釣耕三媒不已大福來成

呂氏春秋太公釣于滋泉孟子曰伊尹耕於有莘之野三媒卽三聘

師

堅固相親曰篤無患六體不易執以安全兩師駕西濡我轂輪張伯李季各坐關門

無註

比

方內不行輻摧輪傷馬楚蹠甚受子閔時
無註

小畜

畜牝無駒養雞不雛羣羊三歲不生兩頭

未詳

履

老耄罷極無取中直懸輿致仕得歸鄉里

漢薛廣德乞骸骨懸安車以致仕

泰

縮緒亂絲手與爲哭越畝逐兔斷其禪襦
無註

否

海老水乾魚鱉盡索藁落無潤獨有沙石
無註

同人

入市求鹿不見頭足終日至夜竟無所得
無註

大有

築門墮戶虎臥當道驚我驂騑不利出處
無註

謙

陶朱白圭善賈息資公子王孫富貴不貧

陶朱卽范蠡遊江湖變姓名稱陶朱公白圭名
丹周人史言能薄飲食忍嗜欲二人善賈貨生
息資財以致巨富

豫

王良善御伯樂知馬周旋步驟行中規矩止息有
節延命壽考

易

林卷九

二中華書局聚

隨 王良古之善御者伯樂古之善相馬者

堯問伊舜聖德增益使民不懼安無悚惕

無註

蟲

昭公失常季氏悖狂遜齊處鄆喪其寵身

春秋昭公二十五年九月戊戌伐季氏叔孫氏
孟氏救之三家反攻公己亥公孫于齊次于陽
州二十六年三月公至自齊居于鄆三十二年
薨于乾侯

臨

昏暮不行候待日明從住止後未得相從

無註

觀

安上宜官一日九遷升擢超等牧養常山

漢田千秋一日九遷其官牧養常山未詳

噬嗑

去惡就凶東西多訟行者无功

無註

賁

老馬垂耳不見百里君子弗恃商人莫取無與爲市

無註

剝

蝸螺生子深目黑醜似類其母雖或相就衆人莫取

無註

復

百足俱行相輔爲強三聖翼事不見寵光

三聖堯舜禹也

无妄

容民畜衆履德有信大人受福童蒙憂惑利無所得

無註

大畜

左跌右僵前躓觸柔其指據石傷其弟兄老蠶不作家無織帛貴貨賤身久留連客

無註

頤

昏人宜明賣食老昌國祚東表號稱太公

易

林卷九

三中華書局聚

太公嘗屠於朝歌後遇文王立爲師尚父封國
於東齊

大過

弊筍在梁魴逸不禁漁父勞苦藏空乾口

弊壞筍罟詩人以弊筍不能制大魚魴鰓大魚
也

坎

盛中後跌衰老復掇盈滿減毀疾羸肥脂鄭昭失
國重耳與立

春秋魯桓公十七年鄭高渠彌弑昭公而立公
子亶又僖公二十四年晉文公入國使殺懷公
于高梁遂立而霸諸侯

離

折亡破甕使我困貧與母生分別離異門

無註

咸

野有積庾穡人駕取不逢虎狼暮歸其宇

無註

恆

襁褓孩呱冠帶成家出門如賓父母何憂

無註

大壯

陳力就列官職並廢手不勝益失其寵門

無註

晉

積雪大寒萬物不生陰制庶士時本冬貧

無註

明夷

龍鬪時門失理傷賢內畔生賊自爲心疾

春秋昭公十九年鄭大水龍鬪于時門之外洧
淵國人請爲禳焉子產弗許曰我鬪龍不我覲
也龍鬪我獨何覲焉禳之則彼室也吾無求於
龍龍亦無求於我乃止

家人

狗畏狼虎依人爲輔三夫執戟伏不敢趨身安无

咎

無註

睽

南山高正回隕難登道里遼遠行者無功憂不成
凶惡亦消去

易

林卷九

四一中華書局聚

正音岡隤音頽

蹇

逢時陽遂富且尊貴

無註

解

求我所欲得其利福終身不辱盈盛之門高屋先覆君失邦國

無註

損

安坐至暮禍災不到利詰姦妖罪人弗赦

無註

益

膠車駕東與雨相逢五檠解墮頓輶獨宿憂爲身

禍

詩云五檠梁輶註云五五束也檠歷錄然文章之貌以皮革五處束之其文章歷錄然也輶車

輶也

夬

擇日高飛遂至東齊見孔聖師使我和諧

無註

姤

陳嬀敬仲北興齊姜乃適營丘八世大昌

按春秋傳陳嬀姓敬仲卽陳公子完魯莊公二十二年奔齊使爲工正初懿氏卜妻敬仲曰有嬀之後將育于姜八世之後莫之與京姜齊姓營丘齊所封之地

萃

缺埒無墀難從東西毀破我盆泛棄酒食

埒音劣墀音善

升

中夜狗吠盜在廬外神光祐助消散解去

無註

困

雷車不藏隱隱西行霖雨三旬流爲河江使國憂

凶

無註

井

老河虛空舊井無魚利得不饒避患東鄰禍入我門使我悔存

無註

易

林 卷九

五 中華書局聚

革

福德之士懽悅曰喜夷吾相國三歸爲臣賞流子孫

夷吾齊相管仲也三歸臺名婦人謂嫁曰歸一娶九女而備三姓

鼎

清人高子久屯外野逍遙不歸思我慈母

高子高克也詩云清人在彭駟介旁旁註云鄭文公惡高克使將清邑之兵禦狄于河上久而

震

騶騶黑鬣東歸高鄉白虎推輪倉龍把衡朱雀道引虛鳥載遊逐扣天門入見真君馬安人全

騶音葛鬣音宗

歸妹

小阪之市利不足喜二世積仁蒙其祖先匪躬之言狂悖爲患

無註

漸

端坐生患憂來入門使我不安

無註

艮

路多枳棘步刺我足不利旅客爲心作毒

無註

豐

登高望時見樂無憂求利南國與寶相得

無註

旅

疏足息肩有所忌難金城鐵郭以銅爲闕蕃屏自衛安上無患

漢關中金城千里天府之國也

巽

江有沱泥思附君子伯仲受歸不我肯顧姪娣悔恨

泥當作汜詩云江有沱之子歸不我過不我過其嘯也歌又云江有汜不我以不我以其後也悔按詩傳水決復入爲汜今江陵漢陽安復之間蓋多有之沱江之別者之子媵妾指嫡妻而言也婦人謂嫁曰歸我媵自我也能左右之曰以謂挾己而偕行也是時汜水之旁媵有待年

於國而嫡不與之偕行者其後嫡被后妃夫人之化乃能自悔而迎之故滕見江水之有汜而因以起興言江猶有汜而之子之歸乃不我以雖不我以然其後亦悔矣也

兌

牙孽生達陽倡於外左手執籥公言錫爵

詩云左手執籥右手秉翟赫如渥赭公言錫爵按詩傳籥如笛而六孔或三孔翟雉羽也執籥秉翟者文舞也公言錫爵卽儀禮燕飲而獻工之禮也

渙

雲夢苑囿萬物蕃熾犀象瑋瑁荆人以富
荊州有澤藪曰雲夢方八九百里

節

渠戎萬里晝夜愁苦橐甲戎服雖荷不賊鷹鷂之
殘害不能傷
無註

中孚

鑑基逢時稷契臯陶貞良願得微子解囚市空無
虎謾誕妄語

孟子曰雖有鐵基不如待時書舜典稷播百谷契敷五教臯陶明刑微子紂庶兄也

小過

騎騅與蒼南賈太行逢駁猛虎爲所吞殤葬於渭陽一本有又害不傷

無註

既濟

出門東行日利時良步騎與駟經歷宗邦暮宿北燕與樂相逢

無註

未濟

酒爲懽伯除憂未樂福善入門與君相索使我有得

無註

三三震上乾下大壯

左有噬羆右有噬虎前觸鐵矛後躡强弩無可抵者

無註

之乾

金齒鐵牙壽考宜家年歲有儲貪利者得離其咎

憂

無註

坤

家給人足頌聲並作四夷賓服干戈囊閣

書明王慎德四夷咸賓史記武王勝殷包藏弓矢戢弭干戈以示弗用也

屯

獼猴冠帶盜載非位衆犬嘈吠狂走厥足

無註

蒙

心患其身不念安存忠臣孝子爲國除患

無註

師

鹿下西山欲歸其羣逢羿鋒箭無於矢端

羿古之善射者

訟

東行西窮南北無功張伯賣鹿從者失羊

無註

需

君不明德臣亂爲惑丞相命馬胡亥失所

按秦紀趙高欲爲亂恐羣臣不從乃先設驗以鹿獻於二世曰馬也二世笑曰丞相誤邪謂鹿爲馬問左右或默或語高陰中諸言鹿者用法繩之後羣臣皆畏高此言人君之德不明爲姦臣之所惑亂胡亥之於趙高是也

明夷北初三日爲災以讒後歸名曰豎牛剝亂叔孫餒卒虛丘

餒當作餒春秋成公十六年魯穆子去叔孫氏奔齊及庚宗遇婦人宿焉生子曰牛復歸魯立爲卿使牛爲豎有寵長使爲政牛不食叔孫遂餒而卒

小畜

秦失嘉居河伯爲怪還其御璧神怒不祐織組無文燒香弗芬

按秦紀使者從關東夜過華陰平舒道有人持璧遮使者曰爲吾遺瀉池君今年祖龍死使者問其故因忽不見置其璧去使者奉璧具以聞始皇使御府視璧乃二十八年渡江所沉之璧也此言始皇將終江神以璧遺瀉池之神以相